



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

V. Contra abusum in Provincia Portugalliæ catorum.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Constitutio
Clem. IX.

Ab Alex. VII.
§. 36. prohibi-
tum fue-
rat, ne ullus
non profes-
sus eligeretur
Abbas
Generalis.

Hæc prohibi-
tio extensa
fuit a Capi-
tulo 1667.
etiam ad Ab-
bates eligen-
dos.

Idipsum fa-
ctum fuit a
Clem. IX.

gnoscentur, quo solidius perennent, cum id a nobis petitur, Apostolici muniminis nostri præsidio constabiliamus.

§. 1. Alias siquidem emanarunt a fel. re. Clemente PP. IX. prædecessore nostro literæ in simili forma Brevis, tenoris qui sequitur, videlicet. *Clemens PP. IX. Ad perpetuam rei memoriam.* In sublimi Sedis Apostolicæ solio meritis licet imparibus divina dispositione constituti, prospero felicique Ordinum Monasticorum, qui Dei Ecclesiam laudabilis conversationis, aliisque multiplicibus meritis exornant, statui, atque conservationi libenter consulimus, sicut in D. salubriter expedire arbitramur. Exponi siquidem nobis nuper fecit dilectus filius Procurator Generalis Ordinis Cisterciensium quod cum fel. rec. Alexander Papa VII. prædecessor noster per quasdam suas in simili forma Brevis: *Decret die 19. Aprilis 1666.* super reformatione generali dicti Ordinis, emanatas literas inter alia prohibuerit, ne ullus in posterum in Abbatem Generalem Ordinis prædicti eligeretur, qui eundem Ordinem non esset expresse professus, & taliter facta electio esset pro jure nulla, & sic eligentes penam privationis vocis activæ, & passivæ in perpetuum eo ipso, absque alia declaratione incurrerent: dilecti filii Abbates dicti Ordinis in ultimo eorum Capitulo Generali Cistercii 9. Maii 1667., & aliis diebus sequentibus celebrato congregati publico ejusdem Ordinis bono profuturam existimarunt prohibitionis, & pœnarum hujusmodi extensionem, ad alios quoscumque Ordinis prædicti Religiosos, qui personas eundem Ordinem non professas in Abbates aliorum Monasteriorum ipsius Ordinis elegerint. Nobis propterea dictus Procurator Generalis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur. Nos igitur ipsius Procuratoris Generalis desiderio hac in re favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis Sententiis, Censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, ne ullus in posterum, qui Ordinem supradictum non sit expresse professus in Abbatem cujuscumque Monasterii ejusdem Ordinis eligatur, alioquin taliter facta electio sit ipso jure nulla, & sic eligentes penam privationis vocis activæ, & passivæ in perpetuum eo ipso absque alia declaratione incurrant, auctoritate Apostolica tenore præsentium prohibemus pariter, & interdicimus. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quocumque spectabit in futurum inviolabiliter observari: sicque in præmissis per quoscumque Judices Ordinarios & Delegatos, etiam Causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis, necnon quatenus opus sit, dicti Ordinis, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, & insertis ha-

bentes, illis alias in suo robore permanfuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Volumus autem, ut eandem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem ubique fides adhibeatur, quæ præsentibus adhiberetur, si forent exhibitæ, vel ostensæ. Datum Romæ apud S. Mariam Majorem sub Annulo Piscatoris die 7. Decembris 1668. Pontificatus nostri Anno Secundo.

I. G. Slufius.

§. 2. Cum autem, sicut dilectus filius Modernus Procurator Generalis dicti Ordinis Cisterciensium nobis nuper exponi fecit, ipse præmissa quo firmitus subsistant, & serventur exactius Apostolicæ confirmationis nostræ patrocinio ubique communi summopere desideret: Nos ipsius Procuratoris Generalis votis, quantum cum Domino possumus hac in re favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis Sententiis, Censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, præinsertas supradicti Clementis prædecessoris literas, cum omnibus, & singulis in eis contentis, Apostolica auctoritate tenore præsentium approbamus, & confirmamus, illisque inviolabilis Apostolicæ firmitatis robur adjicimus.

Preces Procuratoris Gen.

Confirmatio relatæ Constitutionis Clementis IX.

Clausula.

§. 3. Decernentes pariter easdem præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quocumque spectabit in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon omnibus, & singulis illis, quæ memoratus Clemens prædecessor in suis literis præfatis concessit non obstante, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici scriptis, & sigillo personæ in Ecclesiastica dignitate constitutæ munitis eadem ubique fides adhibeatur, quæ præsentibus adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XXIII. Dec. MDCLXXXIX. Pontificatus Nostri Anno Primo.

Confirmantur Literæ Magistri Gen. Ord. Prædicatorum, quibus tolluntur nonnulli abusus in Provincia Portugallia.

V.

De hujusmodi abusibus vide Inn. XI. Constitut. ed. 1677., Nov. 20., P. 2. Item Const. ed. 1677. Januar. 5., P. 2. Et Inn. XII. Const. ed. 1695. Septem. 22, P. 5.

Dat. 7. Jan.
1690. An. I.

ALEXANDER PAPA VIII.

Ad futuram rei memoriam.

Exordium.

Commissi Nobis divinitus pastoralis officii ratio exigit, ut paternam Christianidelium, qui e fluctibus sæculi in Religiosæ vitæ portum confugerunt curam gerentes, illa, quæ abusus felici eorum directioni noxiis evellendis provide sapienterque constituta, & ordinata esse noscuntur, ut firma semper, atque inviolata persistant, Apostolici muniminis præsidio constabiliamus, & alias desuper disponamus, sicut omnibus mature perpensis in Domino conspicimus salubriter expedire.

Species facti
sequentibus
litteris des-
cripti.

§. 1. Exponi siquidem Nobis nuper fecit dilectus filius Petrus Montero Frater expresse professus, ac Procurator Provinciæ Portugalliæ Ordinis Prædicatorum, quod cum alias de supplici quodam libello pro parte nonnullorum tunc existentium Fratrum Provinciæ præfate fel. rec. Innocentio PP. XI. prædecessori nostro porrecto, ipsi Innocentio prædecessori innotuisset, quod aliquibus dictæ Provinciæ Fratribus concessam fuerat, ut Privilegiis Præsentationum licet eo gradu juxta statuta, & consuetudines dicti Ordinis minime insigniti reperirentur, frui, & potiri deberent; necnon pariter aliqui Fratres Laici, seu Conversi Provinciæ præfate obtinuerant, ut retento statu, & conditione laicali, habitu per Fratres Clericos Provinciæ, & Ordinis hujusmodi gestari solito induerentur, eoque induti incederent, ac præterea plures in eadem Provinciæ Fratres aderant, qui obtenta assignatione, seu collocazione in aliquo Conventu a Superioribus dicti Ordinis, eam auctoritate extra Ordinem præfatam, sive etiam aliquando a tunc existentibus Magistris Generalibus ejusdem Ordinis confirmari obtinuerant, atque exinde ab eisdem Conventibus per Superiores Provinciales pro tempore existentes Provinciæ hujusmodi amoveri minime posse præsumebant, idem Innocentius prædecessor abusus in Regularis observantiæ Provinciæ præfate detrimentum vergentibus, occurrere studens dilecto filio Antonino Cloche Magistro Generali dicti Ordinis mandavit, ut concessiones, & facultates hujusmodi rescinderet, ac circumscriberet, eaque omnia cujuscumque tandem auctoritate facta essent, nisi immediate ab Apostolica Sede concessa fuissent ad terminos Constitutionum, & Decretorum Capitulum Generalium dicti Ordinis reduceret. Porro ipse Antoninus Magister Generalis quasdam patentes litteras desuper edidit tenoris, qui sequitur, videlicet. In Deo filiis dilectis RR. admodum PP. Provinciali, in Sacra Theologia Magistris, Prioribus, Præsentatis, Prædicatoribus Generalibus, aliisque Fratribus Provinciæ nostræ Portugalliæ Ordinis Fratrum Prædicatorum Fr. Antoninus Cloche Sacræ Theologiæ professor, ac ejusdem Ordinis humilis Magister Generalis, & servus salutem, & legum nostrarum zelum, Ordinisque nostri honorem, charismatæque meliora. In his, quæ Religionis nostræ sunt Pastoralis sollicitudine pro sua in Nos, Ordinemque nostrum benignitate, clementia, & zelo invigilat SS. D. N. Innocentius PP. XI. quippe, qui ob incrementum regularis observantiæ plura fancivit, jussit, & mandavit, quæ omnia filiali obedientia exequi debentes, cum ad suas aures pervenerit nomine gravium Patrum Provinciæ nostræ Portugalliæ humili libello supplici sue sanctitati porrecto, quod ea Provincia aliquibus ex Fratribus nostris concessam fuerit, ut privilegiis Præsentationum, licet eo gradu juxta normam, & praxim Ordinis insigniti non sint, potiantur, & gaudeant, aliique sint Fratres Laici, qui obti-

Litteræ Magistri
Ordinis, in
quibus agitur
de Præsentationum
Privilegiis,
Laicorum
habitu, &
amotione Re-
ligiosorum.

nuerunt, ut retento statu laicali habitu Clericorum Ordinis nostri induerentur, eoque vestiri incederent, imò plures sint ea in Provincia, qui obtenta assignatione pro aliquo Conventu a Superioribus Ordinis, eam auctoritatem extra Ordinem, vel aliquando a Magistris Ordinis etiam a Nobis obtinuerunt, qua obtenta ab eisdem conventibus per Provinciales amoveri non posse præsumant, & gloriantur, quibus malis, & Constitutionum nostrarum relaxationi, ut mederi possimus jussit nobis Sanctissimus, & in mandatis dedit, ut has concessiones, facultates, abusus rescinderemus, & circumscriberemus, eaque omnia cujuscumque sint auctoritate facta, nisi immediate a sua Sanctitate concessa fuerint ad terminos Constitutionum nostrarum, & Capitulum Generalium sanctiones reduceremus. Quare harum serie, & auctoritate Apostolica Nobis hac in parte specialiter commissa, & jussu speciali Sanctiss. D. N. declaramus quoscumque Fratres Provinciæ nostræ Portugalliæ, quibus a quocumque concessum est, etiam a Magistris Ordinis, & aliis cujuscumque sint dignitatis, & auctoritatis, ut privilegiis, & juribus, præminentibus, aliisque quibus Præsentati ea in Provincia, & Ordine nostro potiuntur, & gaudent, frui, potiri, & gaudere, etiam si eo gradu Præsentaturæ secundum normam, & praxim Ordinis nostri insigniti non sunt, eosque omnes, & singulos reducimus, & redigimus ad eundem statum, & ad eadem Jura, & privilegia, quæ ante talem concessionem habebant, sive statum Sacerdotum simplicium, nisi alias juxta normam Ordinis aliquo gradu insigniti sint. Insuper eadem auctoritate Apostolica, & eodem sacro mandato Sanctissimi quoscumque Fratres Laicos, qui quacumque auctoritate, etiam Magistris Ordinis, vel alia quacumque retento statu Laicali habitum Clericorum deserunt intra 24. horas a præsentium noticia habitum Clericorum dimittere teneantur, & habitum Fratrum Conversorum, publice, & ubique deserant sub pœnis Apostatis debitæ, & privationis suffragiorum Ordinis. Ceterum eadem auctoritate, & ejusdem Sanctissimi jussibus declaramus quascumque assignationes Fratrum in Conventibus per quoscumque Superiores datas, & a quocumque alio quacumque auctoritate pollente aliam vim, aut robur habere non posse, quam simplicis assignationis, posseque Superiores Provinciæ pro tempore, non obstantibus hujusmodi assignationibus Fratres a suis Conventibus amovere, & in aliis assignare, & si qui sint renitentes, eos, gradibus, officiis, voce activa, & passiva privatos esse dicimus, & pœnis arbitrio Superiorum insignendis, rebelles illos Fratres subjicimus, sicque omnes illas assignationes, ut præfertur, seu confirmationes ad terminos Constitutionum nostrarum, & Ordinum Capitulum Generalium reducimus. Ut igitur Fratres nostri Provinciæ nostræ Portugalliæ mandatis, & jussibus Sanctissimi D. N. ut par est subint, & pareant, mandamus in virtute Spiritus Sancti, & sanctæ Obedientiæ sub formali præcepto R. A. P. Ministro Provinciali moderno prænominate Provinciæ, ut hæc mandata, & jussa Sanctissimi immediate a præsentium receptione in Conventu Ulyssiponensi, aut in Conventu in quo has receperit coram omnibus Patribus, ac Fratribus in communi Capitulo significare, vel legere publice faciat, & successive in omnibus Conventibus curæ nostræ subiectis, præcipientes omnibus, & singulis tam Capitibus, quam membris Conventuum sub eisdem virtute, & præcepto, & sub pœnis privationis, vocis activæ, & passivæ, gradu, & officiorum, & inhabilitatis ad ipsa, aliisque pœnis positivis, ut post præsentium intimationem, & significationem, hæc omnia respective juxta Sanctissimi D. N. mandata exequi fideliter, & inviolabiliter faciant, injungentes

Superioribus Conventuum sub eisdem virtute, & præcepto, ut intra 24. horas post præsentium receptionem publice coram tota Communitate legere faciant, teneanturque modernus R. A. P. Provincialis de præsentium receptione, sub eisdem virtute, & præcepto, & pœnis nobis arbitrariis debito tempore nos certiores facere, ut gestorum rationem reddere valeamus. In nomine Patris, & Filii, & Spiritus Sancti Amen. Quibuscumque in contrarium non obstantibus. In quorum fidem his officii nostri sigillo munitis manu propria subscripsimus. Datum Romæ in Conventu nostro Sanctæ Mariæ super Minervam die 19. Octobris 1687. Antoninus Cloche Magister Ordinis. Fr. Ignatius de Quassada Magister Provincialis Prædicatorum Servus.

Preces Procuratoris Provincie.

§. 2. Cum autem, sicut eadem expofitio sub-jungebat, præfatus Procurator literas hujusmodi quippe ad conservandum, & solidandum in Provincia præfata Regularis disciplina vigorem eximie conducibiles pro firmiori illarum subsistentia, & ne unquam earum observantia sub quovis prætextu, titulo, & capite, etiam validitatem, & justitiam ipsarum literarum concernente in controversiam vocari possit, Apostolicæ confirmationis nostræ patrocinio communiti summopere desideret: Nos ipsius Petri Procuratoris votis hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, ac Ven. Fratri nostro Palatio Episcopo Sabinen. S. R. E. Cardinali de Alteris nuncupato Ordinis prædicti apud Nos, & Sedem Apostolicam Protectore audito, præinertitas memorati Antonini Magistri Generalis literas cum omnibus, & singulis in eis contentis auctoritate Apostolica tenore præsentium confirmamus, & approbamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, etiam substantiales, si qui desuper quomodolibet intervenerint, seu intervenisse dici, censeari, vel prætendi possent, supplemus, & sanamus.

Confirmatio relatarum Literarum.

§. 3. Decernentes ipsas præfentes literas firmas, validas, & efficaces existere, & fore, suofque plenarios, & integros effectus sortiri, & obtinere, ac illis ad quos spectat, & spectabit in futurum in omnibus, & per omnia plenissime suffragari, & ab illis respective inviolabiliter observari: sicque, & non aliter in præmissis per quoscumque Judices Ordinarios, & delegatos, etiam causarum Palatii Apostolici Auditores, ac ejusdem S. R. E. Cardinales, etiam de latere Legatos, & Apostolicæ Sedis nuncios, aliosve quoslibet quacumque præminencia, & potestate fungentes, & functuros, sublata eis, & eorum cuiuslibet quavis aliter judicandi, & interpretandi facultate, & auctoritate, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Quo circa Venerabili Fratri Francisco Archiepiscopo Rhodien. in Portugallia, & Algarbiorum Regnis nostro, & Apostolicæ Sedis Nuntio per præfentes committimus, & mandamus, quatenus ipse per se, vel per alios ubi, & quando opus fuerit, & quoties pro parte præfati Petri Prioris, seu aliorum interesse in præmissis habentium, seu alicujus eorum desuper fuerit requisitus, eandem præfentes literas, & in eis contenta quæcumque solemniter publicans, illisque in præmissis efficacis defensionis præsidio assistens, faciat auctoritate nostra illos omnes, & singulos

præsentium literarum, & in eis contentorum eorundem commodo, & effectu pacifice frui, & gaudere, non permittens illos desuper a quoquam quavis auctoritate quomodolibet indebite molestari, perturbari, vel inquietari. Contradictores quoslibet, & rebelles per sententias, censuras, & pœnas Ecclesiasticas, aliaque opportuna juris, & facti remedia appellatione postposita compescendo, legitimisque super his habent. servatis processibus, censuris, & pœnis ipsas, etiam iteratis vicibus aggravando, invocato etiam ad hoc si opus fuerit auxilio brachii sæcularis.

§. 5. Non obstantibus præmissis, ac fel. rec. Bonifacii PP. VIII. prædecessoris pariter nostri de una, & Concilii Generalis de duabus dietis, aliisque Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quatenus opus sit præfatorum Ordinis, & Provincie, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiisque quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 6. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum habeatur, quæ ipsis præsentibus haberetur si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die VII. Jan. MDCXC., Pontificatus nostri anno Primo.

Conceditur, ut Indulgentia Plen. perp. in Ecclesiis Minorum Conventualium die 2. Aug. applicari possit animabus Defunctorum.

Similis concessio facta fuit ab Inn. XI. Minoribus de Observ. & Reform. Const. ed. 1687. Jan. 22. Pont. 2. Necnon Capuccinis Const. ed. 1689. Maji 10. Pont. 3. alie Indulgentia Conventualium extant Inn. XI. Const. ed. 1680. Aug. 26. Pont. 4. Et Innoc. XII. Const. ed. 1695. Aug. 18. Pont. 5.

ALEXANDER PAPA VIII.

Ad perpetuam rei memoriam.

Alias fel. rec. Clemens PP. X. prædecessor noster omnibus, & singulis utriusque sexus Christifidelibus vere penitentibus, & confessis, ac sacra communione refectis, qui aliquam ex Ecclesiis Fratrum Ordinis Minorum S. Francisci Conventualium nuncupatorum, tam nunc eregitis, quam imposterum quandocumque erigendis & ubique locorum existentibus die 2. Mensis Augusti a primis vespere, usque ad occasum solis diei hujusmodi annis singulis devote visitassent, & ibi pro Christianorum Principum concordia, hæreticorum extirpatione, ac Sanctæ Matris Ecclesiæ exaltatione pias ad Deum preces effudissent, plenariam omnium peccatorum suorum Indulgentiam, & remissionem misericorditer in Domino concessit, & alias prout in ipsius Clementis prædecessoris literis desuper in simili forma Brevis die 3. Octobris 1670. expeditis, quas perpe-

Clausula.

VI.

Dat. 29. Jan. 1690. An. 1.

Prædicta Indulgentia concessa fuit a Clem. X.

tuis